




Naka le Nala ba sethokgweng sa go omelela. Ba dutše ka fase ga mohlare.

Nala o kwa matlakala a gwašagwaša ka boleta mo moyeng.



“Theeletša Naka. Na o kwa matlakala?” Nala a botšiša.

“Ee, ke kwa matlakala gape le gona ke bona a šikinyega,”
Naka a fetola.



“Na o a gopola gore ke eng se se dirago gore matlakala a šikinyege?”

“Ke ge phefo e foka,” Nala a fetola.

“Ke nagana gore ke moya,” Naka a realo.



“Moya o re dikologile efela re ka se o bone.” Nala a thoma.

“Efela re kgona go bona le go kwa matlakala ge a šikinyega.” Naka a mo tsena ganong.



Nala a tšwela pele, “Re ka se kgone go bona moya efela re ka bona le go kwa ditlamorago tša moya. Ke phefo yeo.”

“Phefo ke moya?” Naka a botšiša.



“Ee,” Nala a tlaleletša.

“Moya o swara marothi a mannyane a meetse kua marung.
Ge meetse ka marung a eba boima kudu, a wela fase bjalo
ka pula.”



“Nagana re rotogela leratadimeng ka gare ga paluni ya moya wa go fiša. Paluni e swana le lerothi la meetse, moya o a le swara,” Nala a realo.



“Le rena re hema moya,” Naka a gopola.


“Ee, diphoofolo ka moka le mehlare di hloka moya gore di phele,” Nala a realo.

“Ka moka re hloka moya wa go hlweka,” Naka a dumela.



“Ga re kgone go bona moya, na o hlolwa ke eng?” Naka a botšiša.

“Moya ke motswako wa dikgase le lerole le lennyane,” Nala a fetola.



“Lefase le phuthetšwe ke moya.

Moya o re dikologile mo gohle. Moya wa lefase o tloga mo go ya lefaufaung,” Nala o bolela a bula matsogo a gagwe.



—Dipotšišo

1. Na kanegelo ye e bolela ka bomang?
2. Na ba mo kae?
3. Ke bomang bao ba hlokago moya gore ba phele?
4. Na moya o hlolwa ke eng?
5. Moya o mo kae?
6. Ke ka lebaka la eng marothi a pula a rotha?
7. Bolela ditsela tše hlano tša go šomiša moya.
8. Ahlaahla mekgwa ye mengwe le ye mengwe ye mehlano yeo e ka hlolago tšhilafatšo ya moya.